

義甯州志卷第十

建置志

壇廟

祠臺閣堂附

社稷壇 舊在州治西一里後遷於州北鳳山之麓宏治間知州葉天爵增建齋房及宰牲所萬曆丙子知州陳以忠改建於厲壇己卯知州石漢仍復舊址左社右稷春秋仲月上戊日祭今改建於崇仁門外

按社稷壇宋元時各為屋三楹社以勾龍配稷以后稷配明洪武八年詔天下祭不用配壇不用屋壇制東西南北各二丈五尺高三尺四出陛各三級壇下前九丈五尺東西南各五丈繚以周牆闕四門由北門入立石圭一長二尺五寸方一尺埋於壇南正中去壇三尺五寸露圓尖於上立神牌二以木為之書縣社之神縣稷之神殊漆青字

建置志祠祀

義甯州志

卷之十

高二尺二寸濶四寸五分並北向歲以春秋仲月上戊日致祭用羊豕各一帛一爵一登三釧一邊四豆四簋一盞一以矮桌案盛頓無樂祭畢藏主神庫

風雲雷雨山川壇 舊在州治南一里三王巷宏治間遷於州

治北玉光壇廢址正德間知州沈暎復遷於州治東南放生池前中祀風雲雷雨左祀山川右祀城隍春秋仲月上巳日

祭今改建於遺清門外

按風雲雷雨山川壇宋元惟都郡有之明洪武元年詔天下郡縣祀境內山川明年詔以風雲雷雨為一壇春秋以驚蟄雷收時致祭六年詔以風雲雷雨山川共為一壇入年又合城隍祭之制畧如社稷由南門入設神位三風雲雷雨居中山川居左城隍居右歲以春秋仲月上丁第三日致祭用羊三豕二帛七爵九登一釧三簋六盞六邊十二豆十二無樂祭畢藏其主於神庫

先農壇 在州西郊外雍正四年奉

旨建祀先農神祭壇一座神庫三間瘞池一口配房三間藉田

併塘四畝九分每歲有司致祭行耕藉禮

按先農壇制高二尺一寸寬二丈五尺神牌高二尺四寸
寬六寸座高五寸寬九寸五分紅牌金字填寫壇廟藉田
之外周以土墻開門南向每歲春二月致祭一次陳設供
品與社稷壇同

雩祭無壇乾隆七年奉部文每歲以四月上辛日於先農壇致

祭用羊一豕一帛一劍一籩四豆四簋二簋二遇水旱詣先

農壇祈禱

八蠟壇雍正九年制乾隆十二年奉文停舉原編祭銀攤入文

廟春秋二祭內

義甯州志

卷之十

建置志祠祀

二

厲壇 舊在油麻嶺宏治間知州葉天爵增建齋房及宰牲所

正德間知州沈暎遷於賈家塢萬曆丙子知州陳以忠改建

於演武亭之右己卯知州石漢仍復舊址每歲清明中元節

十月朔祭以城隍主之

按明洪武時厲壇制東西二丈南北一丈五尺高一尺五
寸無陛級繚以周墻每歲清明日七月望日十月一日祭
用羊豕各三果四羹飯冥衣凡數百具先期牒請城隍至
期迎主於壇南向榜諭無祀之鬼於左右而祭之

里社壇六十所厲壇同處

泰鄉程畚嶺

櫟山頭

下楊坪東北

南嶺下大坪

抱子

橋頭

花坊

安鄉上下分水 樵洞口 沙埭橋頭

黃泥灣 彭橋 幡竿墩

奉鄉墩頭 高墩 泉口

南田灣 蕭家坪 下宅灣

武鄉田墩 定江小港口 南庄

雙坑 湯口 大塘坪

山口 上保 岡頭

來蘇 田浦 占恩坪

高鄉赤江津 社桃嶺 雙絃

崇鄉坑口 官墩 蒲口

義甯州志 卷之十 建置志 祠祀 三

馬坳 北村 東津

湖頭 中庄 臺坪

仁鄉蓮花墩 山口 西源

山口 新田 東源

草鞋岡 水源

西鄉黃墩 黃泥墩 黨口灣

沙廟前 茅田墩 方墩

橋陵 以上俱明洪武間知州項中宣建

按里社壇明洪武八年詔每里一百戶各立壇祀五土五穀神每春秋二社日推一人為社長率錢備物祈報祭畢會飲宣讀誓詞其詞曰凡我同里之人毋恃力凌弱其婚如喪葬有乏隨力相助如不從眾及作奸盜詐偽一切為

非之人不許入會讀畢長幼以次就坐盡歡而退

鄉厲壇 明洪武八年詔每里立壇一所里中耆老主之用年

豕果酒如縣期祭本鄉無祀鬼神其會飲讀誓諸儀亦如里社

文廟不與諸祀同其典制悉詳學校

文昌宮 在學宮尊經閣前修建詳見學校嘉慶六年奉

諭旨直省郡縣廟祀 文昌春秋二仲有司致祭以二月初三

日 聖誕為春祭秋祭另行擇吉其典禮照祭 關帝之例

文昌先代殿道光四年州紳龔旭芳霽兄弟捐建

文昌宮頭門牌坊及左右廊房數間道光四年州紳查光懷王

義甯州志

卷之十

建置志祠祀

四

三錫捐建 署知州鄒山立並有記

祭先代文

祭引先河之義禮崇反本之思矧夫世德彌光延賞斯及祥

鍾累代炯列宿之精靈化被千秋緯人文之主宰是尊後殿

用答前庥茲值仲 春 肅將時事用申告潔神其格歆

祭文昌文

維神蹟著西垣樞環北極六筐麗曜協昌運之光華累代垂

靈為人文之主宰扶正久彰夫感召薦馨宜致其尊崇茲屆

仲 春 用昭時祀尙其歆格鑒此精虔

一在考棚大堂後重 一在 鳳嶽 書院中重

一在文峯塔左 一在州治東懷遠四都二圖華國堂紳民捐建

一在武鄉銅鼓石本籍里人立 文昌會義學置買田產於銅鼓西門外紅石潭為每年文課之資

一在武鄉山口舖後嘉慶二十五年本籍士紳捐建並捐田租五十八石為每年文會考課獎資之費

一在武鄉二十七都交山古家橋乾隆五十年懷遠捐建置買田租十餘石以備課資 嗣後設六星觀光二文社置買田租除祭祀外以備課士賞給

一在武鄉三十三都山口施家園懷遠都紳耆等於嘉慶六年倡捐新建

義甯州志

卷之十

建置祠祀

五

文昌祠每歲春秋集生童課藝其老祠在二甲街口基地係許

闕氏所助

一在武鄉二十六都大堰帥家洲乾隆四十二年二十六七

八都里人公建

復聯毓賢文明凌雲等社置買田租除祭祀外以為每年課士資給之資

一在安鄉十都八十四家捐建置買田租百餘石中祀

文昌帝君左為考棚每歲考課敦請外鄉名宿評定甲乙給獎至歲科鄉會各試給予程儀稟請州憲存案有記

一在安鄉十一都南坪橋中街置田租十餘石為考課獎資

前州憲批准存案

一在安鄉沙塢里同治五年懷都南崖義渡季內首事齋等

合建並撥田租以爲獎賞士子之資稟州存案

一在安鄉十一都懷遠四都一圖雙五甲衆姓建稟州存案

一在安鄉十三都黃沙橋上街市東葉謝張鍾賴五姓合建並置田租以爲獎賞士子之資

一在安鄉十三都黃沙橋上街市西

一在安鄉黃沙橋上街懷遠四都二圖甯懷興紳民捐建

一在下奉鄉丹霞觀後埭內公置田租六十餘石除歲祀外以爲歲科試文武新進及鄉會上達花紅獎賞之用

一在武鄉漫江咸豐年間懷遠紳耆捐貲修建每歲春秋集生童課試文藝量給獎賞

義甯州志

卷之十

建置志祠祀

六

一在武鄉二十三都隄上一在崇鄉西港中街萬壽宮左一在仁鄉仁義書院

靈星文昌

宮 在州治鐵爐巷全善局義士捐建

關帝廟 在州治鐵爐巷內每歲有司以春秋二仲及五月十三日致祭祭用大牢一牢二豕四餘視 文廟有差雍正三年

勅封三代公爵曾祖諡光昭公祖諡昌裕公父諡成忠公咸豐六年追封王爵廟舊爲儀翔宮真常道院故址康熙十五年知州任暄猷建年久圯乾隆六年知州許淵重修廟左基地界連紫花墩筠陽池直下後山俱有民屋飭令居民給與印

照歲收額租貳兩壹錢伍分永供 武廟香燈之資乾隆四十八年署知州丁如玉令州紳陳密周芟何津王際春何兆麟楊祈鳳六人經理重修舊與城隍廟並建改 武廟居左城隍廟居右工甫興猝遇暴風梁楹傾仆五十四年知州李維謙率前首士復爲經理觀成併鄉城樂輸約費二千有奇廟宇三重中爲正殿後爲啟聖祠前爲更衣亭戲臺一座門首立牌坊一座咸豐五年兵毀八年仁鄉紳董捐貲修復

啟聖祭文

維王世澤貽庥靈源積慶德能昌後篤生神武之英善則歸親宜享尊崇之報列上公之封爵錫命優隆合三世以肇禋

義甯州志

卷之十

建置志祠祀

七

典章明備恭逢諏吉祇事薦馨

關帝廟祭文

浩氣凌霄丹心貫日扶正統而彰信義威振九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異跡顯佑羣生恭值仲春遵行祀典筵陳籩豆几奠牲醪

尙享

一在演武亭左營伍建今廢

一在州署大堂之左

一在州治北道光年間馨茗堂建合祀財神茶神廟宇華麗

咸豐五年兵燬復修

一在通遠門外丁田里向有 關帝廟乾隆年間黃榜加捐
殿基倡首重修正殿戲臺兼祀趙公名關趙廟道光年間
黃受烜復倡捐重修添寢堂酒樓節婦賴徐氏捐修戲臺
門坊

一在高鄉小流里人溫若泉劉騰漢等倡修

城隍廟 先朝舊址在州治北一百二十步後改建於儒學之
東二十步舊志云漢將軍灌嬰提兵南畧沒而爲神祀於此
元至正壬辰兵燬修廢靡常規模未備迨至明初吳元年知
州徐煥建中爲廟廟後有寢前爲船亭亭之左右爲陰陽二

義甯州志

卷之十

建置志祠祀

八

司前爲大門大門之外爲外門景泰六年知縣陸普建大門
天順六年知縣唐高建船亭成化十二年知縣蕭光甫悉重
建之宏治十七年知州葉天爵重修隆慶丙寅知州黃誥重
葺

國朝康熙十六年知州班衣錦復建雍正五年署事新昌知縣
陳松年新之乾隆六年知州許淵復改建於州治西鐵爐巷
內儀翔宮舊址 關帝廟之左九年貢生何清捐修正殿一
重四十八年署知州丁如玉令紳士陳密周菱何津王際春
何兆麟楊祈鳳倡捐經理改廟居右費金二千有奇至五十
四年落成正殿左爲土母祠後爲觀音堂知州李維謙有記

嘉慶十九年紳民捐建十殿塑像於廊廡

按洪武元年勅各省府縣城隍稱公侯伯像之號章服如其秩三年詔止稱某府縣城隍之神易以木主舊塑像用水浸化塗之壁繪雲山圖新官到任與神爲誓朔望往謁今仍用塑像

一在銅鼓營都司署左

東嶽廟 在州西五十里崇鄉馬市舊在州城延安寺側今爲華光祠明萬曆間陳以蘊中式授官夢神示吉因獻地建廟於馬市下街迎祀之神最靈歲早禱之立雨咸豐五年兵燬市紳勸捐修復 舊志載東嶽廟在延安寺右廟東別建一廟祀嘉佑侯張巡今按寺右爲園而華光廟則在寺左相傳卽東嶽廟遺址

義甯州志

卷之十

建置志祠祀

九

一在泰鄉七都歐岸本籍合建

一在西鄉沙坪明景泰七年戴六卿建置田租菜園以供香

燈右附張侯殿歲早禱雨立應

一在仁鄉六十四都琵琶潭

禹王宮 在州治北楚省商民購地捐建

睢陽廟 在仁鄉楊坊杏苑村祀唐嘉祐侯張巡靈爽素著同

治五年里人倡建

萬壽宮 在州治青雲門儒學之左乾隆八年衆建爲屋三重

中殿祀真君上爲 玉皇閣左右兩廊祀十二真君後爲謀

母殿前有二亭門豎牌坊一座距坊十數武有放生池池上

爲戲臺臺左右有酒樓每於八月朔有司致祭州人士賽會
演劇

一在州治余家巷前

一在泰鄉三都乾隆丙戌吏員傅文川同傅鄒黃王各姓捐
建嘉慶十二年都人士重修州牧賀維錦有序

一在泰鄉梁口官後爲芥子菴菴基及前後餘址鄭宏度所
施乾隆二十年由新街移官改建於此嘉慶十九年一二
八都士民捐貲重建 恩貢陳書洛有記

一在泰鄉彭姑市因洪水冲圯咸豐七年移建楊古灘

一在泰鄉八都左右山口 又名福主殿

義甯州志

卷之十

建置志祠祀

十

一在泰鄉吳都

嘉慶三年宋懷樸倡亂夜半賊見真君乘馬仗劍至旋驚潰里人即樸基建立並置

祀

一在安鄉十一都

南坪橋菴子裏宮內有靈星祠乾隆四十五年懷遠都紳耆捐建立有碑記

一在武鄉潭坑

一在武鄉銅鼓二十三都黃梅市虎泉街合都人士捐建官

宇契買田產舖店秋土以供祀典

一在武鄉三十三都征村嘉慶己未年里人捐建

一在武鄉二十四都銅鼓帥祠下街口嘉慶乙亥年捐建

一在武鄉山口市

一在武鄉三十三都田浦嘉慶丙子禱雨有應合都公建

一在武鄉漫江市乾隆二十七年里人莫世承魏應于合眾捐建因洪水衝圯咸豐戊午年里人捐建於鐵帽尖下

一在武鄉二十六都大垵嘉慶中里人公建

一在武鄉下沙溪向有真君殿 國初僅存茅菴土人祈禱立應嘉慶間重修

一在武鄉西向六甲 乾隆癸未年捐建其基址蕭宏亮所施立有碑記

一在武鄉上沙溪塘絲坳嘉慶六年里人郭舜如裔倡修

一在武鄉二十八都胡全霞建予起鰲重修

一在高鄉三十五都安坪坑口嘉慶三年合都公建

一在高鄉赤江舖後嘉慶十三年公建

一在高鄉杭口市

義甯州志 卷之十

建置志祠祀

十一

一在崇鄉馬市乾隆三十三年公建於古樓社黃荆埜道光

二年公同勸捐移建於中街規模甚宏麗

一在崇鄉司前市

一在崇鄉大石口西港街因嘉慶戊午勦平匪教仗神默佑

事聞於郡給銀建廟

一在崇鄉幽溪鷓鴣山乾隆己亥年王見文捐金倡建

一在仁鄉渣市

一在仁鄉石坳

一在仁鄉朱陂廠

一在仁鄉東渡港

一在西鄉古城嶺

一在奉鄉十九都大坪山

一在安鄉九都良溪里

一在崇鄉五十三都礮頭里人唐王葉鄒張五姓合建

一在崇鄉橋頭其地常產蛟螭春夏間與雲作雨氾濫田廬里人周本初陳竹溪宋開玉因有取於旌陽斬蛟之意倡

修宮宇鎮之

一在崇鄉五十四都胆溪

一在奉鄉大里

一在武鄉二十七都交山古家橋咸豐元年里人捐建

義甯州志

卷之十

建置志祠祀

三

一在武鄉二十一都排埠永慶新街道光癸卯合鄉公建

一在泰鄉三都街頭里人公建傅姓捐助基地

一在泰鄉下八都鄒坊道光十九年里人陳粹善等倡修

一在安鄉十二都湯橋 一在安鄉十二都上窩

一在安鄉十三都黃沙橋上街背本籍都季經理石絢春鄭

宛中倡建

一在安鄉十一都南坪橋下街

一在安鄉十都潭市

一在安鄉十都塘夏

一在安鄉十四都長溪水口

一在西鄉路口里人公建

一在西鄉塘城坳

一在西鄉全豐墩

一在崇鄉大石口道光丁未年里人周漢三倡建

一在崇鄉溪口中街前明鼎建道光十九年添修兩廊前重

二十八年又建謚母祠於宮後

一在泰鄉八都安峯金字岩口

天后宮 在州治東街乾隆甲午年懷遠都紳民修建道光三

年重建石坊并積慶宮以祀先代

一在武鄉二十四都銅鼓營前倉街懷遠都士民置買基地

義甯州志

卷之十

建置志祠祀

三

嘉慶十年修建置產奉祀官左建崇聖殿

一在武鄉二十六都大墩帥家洲嘉慶癸卯年懷遠都士民

捐建

一在武鄉山口市乾隆乙卯年懷遠都士民捐建

一在武鄉二十一都排埠永慶新街

一在泰鄉梁口市乾隆中懷遠都人象建

一在崇鄉馬市中街

一在武鄉二十三都黃梅市

藥王宮 在州治東

龍王廟 在雲巖寺大雄殿左側前有井深十餘丈

仁壽宮 在州治仁義巷左祀英佑侯蕭公伯軒後殿祀神農

咸豐五年兵燬

同治十二年經理首事許承鳳杜遠程周熙績陳錫龍蕭紹恂等倡捐修復

一在武鄉銅鼓營城東街咸豐六年兵燬

宣明宮 在西鄉古城嶺乾隆中仁西公建祀火帝俗稱二王

水旱災禱禱輒應嘉慶戊午白蓮教倡亂夜分潛遣人於古城一帶放火見絳袍者揮袖火隨滅賊不敢犯

瑞慶宮 在武鄉交山里人捐建並置田租以供祀典

雲霄廟 在學宮副齋左側宋元豐間建

一在通遠門內

一在太平社鳳巘門內

義甯州志

卷之十

建置志祠祀

十四

一在黃金社黃甲門內

一在東門望仙社

一在崇鄉黃坑汊源 一在崇鄉雷潭坑水口

一在崇鄉噪口墩里人公建 一在高鄉三十四都薰溪里

人捐建

五顯廟 在武鄉二十七都黃竹洞里人馮慶圖倡建每歲旱

及野豕害稼求之輒應

一在奉鄉白水洞

一在西鄉朗田芭蕉坑口 時在芭蕉下大著靈異仁鄉監

生冷士紅裔捐基一畝其子凝齋捐修

靈官廟 在安鄉十一都山下里人公建

一在武鄉三十一都上桃溪

一在高鄉法昌寺對面

一在奉鄉十五都大源坡里人公建

一在仁鄉查市 亦名宣明宮

一在仁鄉六十四都竹圍龍門簡壇社里人公建

一在仁鄉水門

一在仁鄉壓坑

一在仁鄉興化寺前

一在仁鄉上衫茅坪

義甯州志

卷之十

建置志祠祀

五

華光廟 舊在州治西南因改建兵備道署遷於南門外康熙

十四年逆賊圍城廟逼城下有司議焚燬舉火三次不然請

像入城拜許寇靖復修十六年知州班衣錦守備朱萬壽捐

貲改建於養濟院舊址後給價付周伯學買艾汝沐屋基一

片湊修真君廟一重在後另買饒振瑞屋基一片橫順四丈

改修養濟院乾隆中屢修華光廟道光二年紳民重修

一在三元社鐵爐巷內

一在仁鄉樞田源冷采芸倡建

劉公廟 在通遠門外羅家塢廟前有井祀漢侍中劉陵明周

康惠公甯對待中香火鬧蓋指此也咸豐五年兵燬

一在仁鄉東臯祠後庠生冷汝裔捐基監生際陽庠生宗謨倡建

一在仁鄉小洞里人冷采芸捐基倡建

一在西鄉東山 一在西鄉南山

白馬廟 在青雲門外舊名歇馬廟祀濟真護法白馬忠懿侯

王董晉兄弟名一聖二聖三聖嘉慶二十年紳民重修

三王廟 在遺清門內秀水迴環歲旱禱雨輒應嘉慶二十三

年州牧周澍倡率紳民重修

按許真君傳真君至西安途遇三老人趨謁云蛟伏前橋下請君亟除真君遂逐而誅之即今所祀三王也

楊泗廟 在望仙門外嘉慶二十四年建

一在仁鄉東臯陳何壠里人冷采芸景祥重遠盛華倡建

義甯州志 卷之十 建置志 祠祀 六

七聖廟 在州署後寶稼樓左

一在軍廳署左

一在糧廳署左

一在州署後道光三年公建

馬王廟 在銅鼓營都司署左

趙公廟 在州西二十里高鄉三十八都杭山之下神最靈爽

道光二年重新同治五年羅正秋張觀瀾王億萬張樹青甯

義賢阮振玉等倡捐復修

按天師世家趙公明佐張道陵在陽平山治鬼即其神也

晏公廟 在武鄉來蘇祀平浪侯晏公戍仔道光三年重修神

靈赫奕善除螟螣

火神廟 在武鄉二十四都銅鼓城東門即古中龍峯前明鄧侯建本朝雲巖僧及分府田先後重修正殿塑火神像後重觀音佛堂年久堂圯鄉飲戴鳳鳴同姪宜頌宜和重修正殿前重戲臺酒樓里人公修規模宏敞有古柏樹二株森然峙立觀者比之南國甘棠云

馬帥廟 在仁鄉大橋祀漢伏波將軍馬援威靈丕著遐邇賴之里人捐貲合建

儼神廟 在奉鄉十五都廟甯頭後傾廢道光四年承社重建

神最靈每秋夏蟲賊為害禱之即除在洞下迎神季修在港口新與元修

義甯州志

卷之十

建置志祠祀

七

仙娘廟 在仁鄉東阜祠之西 按仙娘世傳為屈原之姊離騷所謂女嬃是也註云屈原有賢姊汨水出黃龍地相連屬靈異素著故祀之

古竹廟 在武鄉二十八都里人公建

三軍廟 在州西七十里下崇鳳源陳宅右旁道光十四年移建前有二井泉甘而香後植巨樹百餘內有三株連理者

一在下崇溪口下大坑象姓崇建

一在崇鄉黃砂前明崇建 一在崇鄉雙溪壇神窩里人葉

九松修建

樂王廟 在仁鄉六十三都均頭大塘源合鄉捐建

一在仁鄉六十一都苦竹坳

康王廟 在崇鄉下坪相傳王文信由南京迎奉同治三年其後裔立廟崇祀

雲三廟 在州治南黃土坑口橋頭獅形里人查崑山等倡建
仁聖廟 在下崇修口道光壬辰年鄉賓周森倡建同治庚午年監生黃松林重葺

太子廟 在崇鄉五十五都水口戊辰洪水浸溢經旬水退神像廟宇端存湖洲里人慎威二裔捐修

聯珠廟 在下崇陳坊里人修建

謳歌廟 在下崇鄭坊村前明鼎建康熙年間邑人陳嘗偶宿

義甯州志

卷之十

建置志祠祀

六

廟中夢神示曰此乙酉科舉人也後驗因撰歌詞賽神里人每歲元宵謳歌達旦

將軍廟 在安鄉十一都姑嫂橋里人捐建

萃靈廟 在高鄉茶舍里人捐建吳象賢捐殿基同治二年吳秉良張辰恩張序四倡捐重修

紫聖廟 在仁鄉查市

咸豐五年燬於兵同治六年百子燈季重修

白箒廟 在武鄉二十三都司背本籍都遞公建

石觀音廟 在仁鄉大橋鳴水洞里人合建

仰山廟 在泰鄉七都桃里

吳主廟 在州西六十里祁源易姓倡建同治十年易建城等

倡捐復修

慈王廟 在安鄉十四都雙溪本里懷遠都人捐建

一在崇鄉五十四都方坪

烏江廟 在武鄉三十二都桃源庵下查涂二姓捐建

一在崇鄉五十三都傅家埠橫亘中流爲一都筦鑰中多壞

白馬廟 在泰鄉五都大坑口道光辛丑年里人捐建

劉陵祠 卽劉公廟崇鄉四十九都州西一百里陵漢侍中艾

城人事見列傳

濂溪祠 在州治東隔河旌陽山麓宋周敦頤任分甯主簿創

爲書院樓臺亭閣四週以延游學之士元季壬辰燬於兵燹

義甯州志

卷之十

建置志祠祀

九

其後葺治者稱景濂書院久廢明天順三年知縣羅珉卽其
遺址勸義官劉用禮建署曰濂溪書院成化十四年知縣蕭
光甫又勸其子劉淮重建正堂三楹中祠祀先生旁翼兩房
堂之下甃石爲露臺東西分別兩廡其南爲大門周圍繚以
墻垣其內燕居寢室齋舍庖湍之所咸備宏治癸亥都御史
林俊分守參政王綸分巡僉事王純知府祝瀚知州葉天爵
又鼎新之乙丑提學副使邵寶立像祀焉萬曆丙申兵備史
旌賢知州方沆復倡捐修葺明季燬於兵燹

國朝康熙七年知州徐永齡因祠被兵燬並山谷祠久廢仍照
前塑像合祀乾隆間知州許淵邊學海次第增修嘉慶戊寅

州紳復修咸豐五年兵燬復修

山谷祠 舊在馬家洲宏治十八年洪水冲廢一在雙井塋畔

明巡撫林俊建置祭田二十八畝蔭注塘一口嘉靖間知州

蔣芝復建祠於旌陽山麓以便春秋祭祀明季燬於兵因塑

像合祠於濂溪書院春秋有祭乾隆五十三年黃氏後裔建

祠於鸚鵡橋巷內有司春秋致祭道光三年重修

三賢堂 祀周濂溪黃山谷及陳敏識舊基在儒學內東陽王象之建今廢

徐忠愍公祠 在州治老道前祀宋龍圖閣直學士徐禧

三賢祠 在犀津南岸三里邛湖古名迢瀨祀南唐黃瞻宋黃

中理黃肩故名三賢

義甯州志

卷之十

建置志祠祀

三

節孝祠 在州治老道前乾隆四十七年太學生陳振家捐建

知州李維謙有記春秋有司致祭咸豐五年城陷燬廢八年

春陳溪山齋修復

一在州治衛前街學宮西偏同治二年入鄉本籍紳董聯季

捐建

協佑祠 在州治東一里相傳宋延祐辛酉立其神為毛姓奉

鄉匡竹人兄弟皆佐許真君擒蛟有功於民勅贈廟額洪武

二十八年知縣孫重修正德元年同知黃輔建東樓五間正

德三年知州沈暎建官廳三間

國朝康熙十八年僧湛明募建廟後觀音堂一所乾隆己酉重

修並祀沙河神咸豐五年兵燹同治六年重修百子燈季原租三十石招僧永祀香火

一在西鄉泰清樓前段宋光祿卿冷庭叟建今廢基址尙存

一在仁鄉下衫長源壠監生朱集芬紹基文圃捐基倡建

一在仁鄉東臯國初冷巽先裔建嗣恒慶堂冷南麓仁亭

聞象暉齋暄堂春晚谷軒錫恩懷樸植堂植亭廷秀時英

奉乾合買田租以贍香火

一在仁鄉沙塘灣一在城南對岸溫家塘口里人捐建

一在仁鄉苦藤源一在西鄉汪坪

一在崇鄉黃溪俗呼魚形同治戊辰大水遍地漂沒獨其地

隨水高下避水祠中者全活數百餘人

義甯州志

卷之十

建置志祠祀

三

一在崇鄉程坊上街道光癸未年里人縣丞陳燭監生陳家振介賓胡文璿程品英倡建以爲一都公所

一在安鄉十四都湖頭象形相傳里人熊姓自郭城祖宅迎

神祀之遠近祈禱輒應合源建祠于此並置田產若干

一在崇鄉四十五六都月山黃雲舉裔修建

一在安鄉十一都南坪橋卽土主廟一圖十遞公建

一在安鄉十二都湯橋卽土主祠

一在武鄉三十三都山口市

吳尹祠 元知縣吳觀有惠政後人立祠肖像祀之毀於兵燹

南昌道分司卽其遺址

按吳尹當屬宋詳見名宦

遺愛祠 舊在州治之西二十餘步祀明縣丞黎斌後移舊南門外今廢

公介祠 在儀門署左俗名公解祀宋忠臣黃介

一在捕廳署左

土地祠 在州署儀門右 一在西鄉芭蕉坑龍泉堂下灣出里許又一壇焉有松株二樹水護

一在仁鄉黃沙市 一在仁鄉荷坪橋

一在西鄉七十一都白沙嶺

海棠祠 在州署土地祠前

石侯祠 在縣西十五里石高峻仰之眩目云盧君弟所理也

搜神記云豫章縣有女戴氏久疾出覓葯見一石立似人形

義甯州志 卷之十 建置志祠祀 三

禮之曰汝能令我疾差吾當事汝因感夢曰吾當祐汝寤而

遂差因立祠今猶存焉 寰宇記

福主祠 在奉鄉十五都察坑里人建 古木垂蔭詞客常遊憩焉

二帝祠 在奉鄉十六都澁漿同治年間里人捐金重建

五聖祠 在安鄉十二都上村墩頭

古玉龍祠 在奉鄉十九都胡姓建修

祥福祠 在武鄉銅鼓下窰舖里人公建

龍馬祠 在奉鄉江路黃石墩

副使祠 在安鄉十一都壠港

青山古祠 在安鄉十都塆培

普福祠 在安鄉十三都箔竹崇祀儼神有禱卽應

文琛祠 在西鄉七十一都元季郎官戴文琛有道術歲旱能致雷雨保障鄉里禦寇有功立祠祀之

法姑祠 在仁鄉六十四都沙灣明貞姑樊法英撫弟姪不字詳孝女傳姪裔七支公建

昭忠祠 在州署西偏州判衙舊址咸豐己未年合州紳董修祀邑侯葉濟英及甯城殉難官弁紳民永祀勿替

忠義祠 在千總署東偏義大兩汎家兵建立祀咸豐五年殉難都閩府張全孝城守千總張朝樑協防林起鳳陣亡馬步守兵查拔山曾雲章余奪魁四十七人附祀

義甯州志

卷之十

建置志祠祀

三

一在西鄉路口同治七年立庠生丁桂林督勇陣亡里人哀之故建

一在武鄉山口一甲咸豐八年五都公建祀八疊巡司吳元理及五都節次防堵救援陣亡紳民

吳公祠 在安鄉十三都護仙橋咸豐五年五月十三日遊擊吳錫光把總吳定發及鄉團與賊接仗陣亡於此里人徐雲鳳鄧永脩萬錫齡龔洩立祠祀之置產若干歲得租錢爲香火資

石公祠 在高鄉富塘里人黃茂春甯義賢捐建

土主祠 在崇鄉五十五都箬坑口

五帝祠 在崇鄉五十五都雞峯均

華光祠 在安鄉湘竹邵姓修建

臺閣堂殿 附

七寶臺 在仁鄉夏公橋內有四帝廟素著靈異

仙姑臺 在九都西嶺壇關寺側相傳昔時有仙女結石為臺

打座修煉故名

觀音閣 在州西關犀津渡口候選知縣龔葵陽建依山立石

牌坊下跨犀潭澄澈可愛中祀邑進士徐耀祖宦粵歸時所得石觀音像別顏曰澄心閣舉人查望洋有記

一在仁鄉東臯冷氏慈航季置買田租二十餘石以贍香火

義甯州志

卷之十

建置志祠祀

十四

布經歷冷梅蕃修建石龕有記

一在奉鄉十六都戴氏建計護閣田租五十餘石

一在安鄉十都 一在武鄉銅鼓里人戴鳴鳳全姪宜 頌建和

一在高鄉三十七都暗坑口前明嘉靖十七年石壁篆刻

聖像碑文道光間大水洗出因立閣祀之

一在高鄉茶舍乾隆間吳景殿李愷三明遠公階梓芳劉文選友芳戈興萬九人捐建

地藏閣 在崇鄉渣田津鄭家墩鄭氏建

文昌閣 在崇鄉西港中街萬壽宮左側

觀音堂 在安鄉十都

三仙堂 在仁鄉六十九都

五福殿 在黃沙口里人李寶水裔捐建

普善堂 在安鄉九都黃源大坵里人黃某女吉星媳潘善緣

病垂危虔禱 大土前不藥而愈捨宅改建捐施就近田租

二十四石柴薪油茶山各處以爲歲祀香火之資

公侯殿 在崇鄉五十二都廣潭

義甯州志

卷之十

建置志祠祀

三

祖祠附

先賢樊子祠

在仁鄉大橋灣本邑樊氏第四房子孫修建祀益都侯子遲

溫氏宗祠

在州治三元社周家井前唐虔州刺史訓甯裔嘉慶間置買周姓屋宇地基道光間重修

溫思敬公祠

在下武鄉梅坑口置買查姓田山地土乾隆間建同治間重修

吳氏宗祠

在州治萬家坊乾隆間置買曾姓屋宇地基及左邊舖二所右邊舖三所道光庚子修建同治配倪

吳氏宗祠

在武鄉銅鼓中倉街嘉慶間得買注劉蕭三姓店屋基地

萬秋山祠

在安鄉十二都溫湯內萬家段上灣裏捐有祀田

萬西疇祠

即西疇別墅在安鄉十二都溫湯內萬家段樓灣里置有祀田

廖氏宗祠

在州治公敏巷嘉慶年間得買袁姓屋宇基地

陳啟倫堂祠

在高鄉三十七都查林橋宋陳居仲故宅後裔改建祠宇

義甯州志

卷之十

建置志祖祠祀

三

溫明遠公祠

在上武鄉二十三都源頭坑口鎖石嶺下象形灣圍祠田山計租七十石以為祀產

張永富公祠

在武鄉二十二都下源洞曾家均鐘形

童永定公祠

在州治泰平社余家巷西依捕衙牆東止大街巷南聯羅祠北抵陳祠

江氏宗祠

在州治萬家坊置買葉茂松試館前面創有舖屋五所

江濟淮祠

在高鄉三十六都茅坪黃土嶺

賴氏宗祠

在州治周家井左嘉慶四年置買查姓基屋修建

賴榮宗祠

在武鄉大段街嘉慶年間置買本姓基屋道光間修建

戴榮迪葵公祠

在武鄉二十四都黃崑五莊段右邊戴屏長翁祠銘吾齋建立

馮氏宗祠

在武鄉銅鼓中倉街懋德堂裔建修

馮氏宗祠

在州治黃土嶺散本堂裔修建

劉校書祠

在武鄉銅鼓街稗洞口道光間置買温姓基屋建修祠宇同治間重修

何氏宗祠

在州治北門紫花墩下涇通後裔分修

賴氏宗祠

在武鄉銅鼓棋盤街嘉慶間置買華姓屋宇基地秘書堂裔建同治十年重修

涂氏宗祠

一在城東衛前街背安武高三支合建一在安鄉九都嶺嶺上途架上金盈明時以政公由靖遷甯築室居此

後人因以為祠

國朝乾隆間

凌初公祠

在上武鄉二十二都銅鼓上源口金星蟒形乾隆四十三年置買林姓之業父遺珂璉馮三房建立

同治癸亥年重修

洪及仰公祠

在安鄉十三都黃砂橋柘灣里

林崇萬祠

在州治鐵爐巷千總署前

李玉圃祠

在泰鄉下八都角溪山口鄒坊同治乙丑年復建

義甯州志

卷之十

建置志祖祠祀

三

李氏宗祠

在武鄉銅鼓西門外益形道光間木火二公後裔建修

鄭氏宗祠

在州治比誼剩二公裔建

吳季子祠

在州治北紫花墩老祠右側得買余唐二姓基地同治七年璋宣二裔創建費數千緡並成賓興開

給程儀以為作養人材之資

吳氏宗祠

在仁鄉六十四都山口前明遺址志敬裔合建重修數次內建賓興所及右側庄屋一所

吳氏宗祠

在泰鄉四都三溪口道光十八年德澄裔創建

王愛謨公祠

在崇鄉四十九都古艾城東亭子前

王四言公祠

在崇鄉四十九都比村司前

方氏宗祠

在崇鄉五十一二都黃溪鳳凰坪

宗聖祠

在州治鐵爐巷嘉慶間置買基地道光七年三省堂修建

胡忠節公祠

在武鄉二十八都帶溪

廖偉才公祠

在奉鄉十六都湓漿烏石段對岸石橋頭

冷巽公祠

在仁鄉東皋明萬歷時銓鉅欽三支建

冷毅公祠

在仁鄉東皋巽公祠左

冷木公祠

在仁鄉東皋巽公祠右

樊氏宗祠

在仁鄉六十四都畫橋宋理宗時勅建明萬歷間重修 國朝康熙辛未增建

樊月山公祠

在州治衛前街

丁弼顯祠

在西鄉七十都路甘柏林里

劉柯公祠

在高鄉三十六都露水嶺下柯裔公建

陳氏宗祠

在州治余家巷光遠堂裔建

義甯州志

卷之十

建置志祖祠祀

五

張蘭軒桃峯公祠

在仁鄉六十都謝家園馬家段

王伯安公祠

在崇鄉五十四都胆溪夏莊段

王恆軒公祠

在崇鄉五十四都濠溪左家灣置租百餘石以為後人賓與祭祀之資

許可福公祠

在下武三十三都下田浦灣裏

謝氏家廟

在州治三元社周家井前置買陳姓基地同治六年修建

龔氏宗祠

一在州治衙背孔道裔建一在州治衛前街背舖屋三所易名試館

龔氏宗祠

在安鄉十都排上志遠裔建內附積儲倉

龔孝子祠

在安鄉十三都黃砂橋街背菜大坵 旌表純孝太學生龔顯裔建

饒月灣祠

在西鄉七十都白砂嶺為公始遷之處裔孫遂建祠焉

邱氏宗祠

在州治鐵爐巷嘉慶間合族修建

邱氏宗祠

在武鄉銅鼓中倉街

黃氏宗祠

在州治北門紫花墩下

李氏宗祠

在州治公敏巷劉家塘同治六年合族公建門首舊祠易為試館

王氏宗祠

在州治三元社關帝殿前道光間置買陳姓基地同治十二年重修

王氏宗祠

在武鄉銅城永甯橋上倉街同治四年建修

許氏宗祠

在奉鄉十五都壩下景俊裔建

劉天祿祠

在州治南門乾隆間置買胡姓之業嘉慶甲子年建修

陳堂祠

燕貽

在州治東門鋪鐸二公裔建

陳興宗祠

在安鄉長茅上窰祖宅后

鄭定公祠

在安鄉箔竹翰偉二公裔建

義甯州志

卷之十

建置志祖祠祀

完

徐氏宗祠

在州治鸚鵡橋基址圖據悉詳譜牒

余序元公祠

在泰鄉一都上坪五聖殿右道光六年建

州韓崇文堂公祠

在州治老道前咸豐八年得買吳楊基地坐北朝南各鄉全建

州程忠壯公祠

在衛前街道光間建

坊程翼公祠

在崇鄉程坊同治間建

